

مه‌جبین دانش‌پژوه*

پیشواز

شهریارا دور ایاقه شانلی مهمانون گلیپ
سرداشون، یول یولداشون یار خرامانون گلیپ
گوزلیرکن یاری اولدوزلار سایپ‌سان هر گجه
گؤ چخاردان اولدوزی خورشید رخشانون گلیپ
دور سنی تاری دا، محراب شفقه سجده دَن
● مستجاب اُلدی دعا شمع شبستانون گلیپ
غصه لر بیتدی، وصاله چاتدین ایللردن سورا
باغرون آج خوش گلدین ات هم‌عهد و بیمانون گلیپ

گور نچه ایلر آشوپدور گورمیوبسن یاریوی
 یوسف مصرین، عزیزین، ماه کنعانون گلیپ
 غم قویوپدور غم لر اوسته قارداشین داغلار کیمی
 قویما آرتخ دیگله غم داغی، مهمانون گلیپ
 سینه دَ داغلار، آشپدی داشلی داغلاردان گلیپ
 درد دل ات یاریله مین دردَ درمانون گلیپ
 یاد سال نوز ازدیرن آت گزدرین ایاموی
 هم محلّه ن، همسایان، یار دبستانون گلیپ
 شهریارا قاش قارالدی یار گلیپ چیخ ایوانا
 سینه سی داغلی صونا مرغ خوش الحانون گلیپ
 نازینه ویردین جوانلیخ قهرینه چکدین نازین
 اوچیلاردان جان قاچر میش نازلی جیرانون گلیپ
 باد غم طوفان ادیب سالدی ایخدان سرویوی
 بیدمجنون تک بوکولموش سرو بستانون گلیپ
 گلدی «گلگشته» دولانسین یاریله چخ پشوازا
 بیر ایاخلاش یاریله یار گلستانون گلیپ
 انجمن باش سیز قالپدی شهرک «فردیس» دَ
 یار گلیپ تبریزه سرخیل ادیبانون گلیپ
 معرفت دریاسنون گوهرلری نایاب اُوب
 آج ادب گنجینه سین بیر دُرُ غلطانون گلیپ
 بیر قارانلیق قالمادی استادایشیقلا ندرماسین
 خاموش ایله چلچراغی ماه تابانون گلیپ

جوشدی، داشدی قاینادی ایلکر محبت چشمه سی
 آب کوثر، آب زمزم، آب حیوانون گلیپ
 ایشدی جام معرفت دن باده لکن دویمادی
 باده علم ایشدیرن سقای عطشانون گلیپ
 یاسمن سولدی چیچکلر یاس توتوپلار باخچادا
 ات پریشان زلفیوی یار پریشانون گلیپ
 قل قانات سیز او شماغ الماز بیر قانات اول او شماغا
 اخلاتان قوشلاریله بیر قانلی طرلانون گلیپ
 مرد میدان، شاه مردان آلدہ شمشیر تک قلم
 «یاد یارانیه» شهره رادمردانون گلیپ
 سویله خاقانی د تبریزدن مدائن کهنه لپ
 دور «همام» خوش سخن هم خاک قطرانون گلیپ
 چوخلی سوز صحبت لرون وار آیریلیقدان یاریله
 طور سینادن بوگون موسی عمرانون گلیپ
 قافله سالار نولوپدور قافله یولدا قالب
 منزلی آماده ات بیر خسته کروانون گلیپ
 شام تارون آیدین آلدی آیدین آلسون گوزلرین
 «مهدی روشن ضمیرین» جان جانانون گلیپ
 بیزدن اُستاد یتیر کی محضرینن دُیمادوخ
 مکتبین آج قاپلارین «دانش پڑوهانون» گلیپ
 یاره بیر شام غریبان توت کی نیلر آغلا سین
 باغدا گولر سولدی، سولموش یاس و ریحانون گلیپ

ساربان آج یوکلری ساخلا ایاخ یورقوندی یار
مفخر تبریز گلیپ، شیدا و حیرانون گلیپ
«مه جبین» قاصر قلم‌آه نارسا اشعاریله
شرم‌آله سیندیر قلم پیر سخندانون گلیپ
قصیده فوق در تاریخ ۲۱ تیر ماه ۷۸ در اربعین استاد فقید دکتر مهدی روشن ضمیر در مقبرة الشعرا
قرائت شد.